

مجموعه سنون

از

جمعیت علمیه عثمانیه

ایکین پنه

نومرو ۱۸

نجدی الآخر

استانبول

جمعیت علمیه عثمانیه مطبعه سنده طبع اولنشد

۱۲۸۰

(آنکلیز اتلرینک اصلی)

تقریباً بوندن ایکوز سنه مقدم امرای اسلامدن بریسی
فرانسه قرالی مشهور اون دردنجی لوئی طرفه اعلا جنسدن
برأس عرب آتی اهدا ایدوب اولوقت فرانسه اهابسی عرب
اتلرینک قدر و قیمتدن بی خبر و عندلرنده جسم الجنه المانی
اسبیری مقبول و معتبر اولغله مذکور عرب آتی عادی بر حیوان
عد اولنه رق اصطبل قرالینک برکوشه سنه اتیلوب قالمش
و قرال مشارالیه بر کره رکوبنه دخی رغبت کوسترماش ایدی
حیوان مذکور بر از وقت اولخالده قالدقندن صکره عملانده اولان
حیواناتک تقریبی صره سنده اورادن چیقار یله رق مطبخ قرالی
وکیلخرجنه فروخت اولنوب بر مدت مطبخ مذکور بخدما تنده
قولاندقندن صکره وکیلخرجنک وفاتنده متروکات سائر سیله برابر
صاتلغه چیقارلدقده اشراسنه کسه رغبت ایتوب نهایت قرق
فرانق بها ایله پارسه طاش و اوطون طاشور بر عربیه حیه فروخت
اولمشدر . اشبو عربیه حیوانک تراکت وجودینه باقیه رق
تحملندن زیاده اغریوکلر چکدیردیکی مثللو قوشوم طاقی دخی
نایت قبا اولدیغندن بالکلیه مجروح ویتاب اولمش و برکونینه
اولخالده پارس سوقاقلرنده کیدرکن ییقله رق ارتق حرکت مجالی
قالماش اولدیغی حالده صاحبی اولان غدار السنده کی
دکنک ایله راست کلان یرینه اوره رق قالدرمغه چالشورایکن
حیواناتک تعذیبیدن وقایه سی مقصدیله انکله ره ده شکل ایتمش اولان
بر جمعیت اعضا سندن بریسی اورادن کچمکله بیچاره حیوانک

حالتدن زیاده سیله متأثر اوله رق اولیاده صاحبنه بعض مرتبه
سرزنش و عتاب ایتد کده حریف عقیف جوابه ابتدارایله بن بوکا قرق
فرانق صایدم تبلیک ایدر یوریمر سه کبرنجیه قدر دو که حکم دیدی
شو معامله ده اصرارینی کورد کده الدیغک بهایه بکاویرمبسک دیو
اشتراسنه طالب اولوب عرب به جی دخی بالمونیه موافقت کوستر دیکندن
انکلیز پاره سنی ویره رک الوب خانه سنه کتورمش و بر از وقت
از بابنه باقدیره رق یاره لری صاغلدقدن صکره انکلیزه یه عودتنده
برابر کوتور مشدر انکلیزه اصیلزاد کاندن غایت آت مر اقلوسی
اولان لورد غودولفن برکون مومی الیه انکلیزک خانه سنه کله رک
اسب مذکور ی زیاده ضعیف و زبون کورد کده بوچرکین حیوانی
تیه بسلیور سن دیو سئوال ایتکله صاحبی نه چاره الده بولندی
کسه المدیغدن دفعی دخی ممکن دکندر جوابی اعطا و بصره ده
نه صورنله الله کچمش اولدیغنی بر تفصیل نقل و حکایه ایلد کده
اولیه ایسه بزم اخوره کوندریکز اوراده باقیلور سرزده السندن
قورتیلور سکر دیه رک اشبو حیوانک کند و اخورینه نقل اولمسنی
و فقط شاید فرصت بولوب اوراده بولسان قسراقلرک بریسنه
اشه رق صویسز طای وجوده کلور خوفیله بوتک ایروجه
بر عیله باغلامسنی میراخورینه تنبیه ایلدی بنأعلیه زوالو حیوان
اوراده دخی خور و حقیر اوله رق چندرلر ایله بر محله ربط و یارم
بر ترتیب اولندی برکون اسب مذکور بر تقریب اورادن قاجوب
لورد مومی الیهک قسراقلری باغلی اولان چایره کیدرک بونلرک
بریسنه یناشدی و سابسر کوروب منعه مسارعت ایلش لر ایسه ده
ایش بند کدن صکره یتشه بیلش اولد قلرندن زیاده حدت ایدرک

کند و سنده بر ایوجه طایق ایتشلردر. سایلر تکدیردن احترازاً
 شو ماده یی بر زمان کم ایتشلر ایسده مذکور قسراقدن تولدایدن
 طایق اعضا سنده فوق العاده تناسب و سیرو حرکتده کمال
 سرعت اولدیغی کورلدکده وقوع حالی مومی الیه اخبار ایلدینر
 و مذکور طای ایکی یا شنده اولدیغی حالده قوشویه چیقار یلوب
 اول سنده اولان طایرک جله سنه مسابقت ایتش و براز وقت
 مرورنده بونک هر وجهله انگلیر اتلرینه تفوق و رجحانیتی کرکی کبی
 اکلا شلمش اولمغله مذکور عرب اتی بشقه قسراقله چکیله رک
 حصوله کلان طایر یکدیگر ندن اعلا چیمغله کند و سیچون
 غایت نفیس و مکلف براخور بنا و ایستمدلی قطیفه اورتیلر و یا قلیینه
 کومش زنجیر اعمال ایدوب خدمتیچون دخی متعدد سایلر تعین
 ایتلشدردر. چوق کچمکسزین حیوان مذکورک شهرتی بتون
 اوروپایه شایع اوله رق اصحاب مراق اشترا سیچون
 مبالغ جسمیه عرض ایتلشدردر. حیوان مذکور اوتوز یا شنه قدر
 واروب خیلی دولی ایتش و الیوم انگلترده بولنان جنس اتلرک اصلی
 اسب مذکوره منحصر اولدیغی روایات موثوقه دن بولنمشدر.
 (منیف)

(خلاصه پولیتیکه)

فرانسه

اوروپا دولتلری بینده اوتهدنبرو موجب نزاع و فساد اولان
 موادک بالاتفاق مذاکره و فصلی ضمنده حشمتلو فرانسه